

精鈔
大字

隨

園

全

集

詩
話

二
七

精妙通圖全集

卷一

一

隨園詩話卷十三

倉山居士著

李穆堂侍郎云。凡拾人遺編斷句。而代為存之者。比於暮靈之白骨。哺路棄之嬰兒。功德更大。何言之沉痛也。余不能仿畫莊上表。追贈詩人十九人。乃錄近人中。其有才未遇者。詩號幽光集。以待付梓。採取未畢。姑先摘數首。及佳句存詩話。歸安姚汝全字念慈。初名世錄。性落拓。冠履敝斜。有南朝張融風味。謝吳眉庵少司馬薦鴻博。啟云。十年老女。猶畫蛾眉。百戰將軍。空爭猿臂。一時傳其工整。題李將軍夜逢醉尉圖云。隴西將軍雄且武。猿臂閒來聊射虎。良宵與客飲田間。飲罷歸遭亭尉侮。將軍醉矣尉未醒。宿之亭下良復苦。羸馬單車野次宿。背燈淡月殘更吐。是時將軍正失官。意豈須臾忘滅虜。暫屈龍沙熊豹姿。試聽鶯堦蝦蟆鼓。畫師摹寫如目睹。高帶微酣色微怒。古者門官各有司。彼候人兮實主之。夜行必禁犯必罰。由來啟閉惟其時。今將軍尚不得爾。斯言良是非醉詞。儻師文帝獎細柳。此尉應得蒙恩知。或如丙相怨酒失。異日可藉聞邊機。請俱一日快私忿。將軍之量宜偏裨。看劍看金楚鐵擅名高。碧血糝糊舊戰袍。不躍不鳴兼不化。問渠何處異鉛刀。念慈受知于鄂文端公。公卒。念慈哭云。未報公恩。徒一慟。自悔此淚亦千秋。在山左時。有記傳其死者。後人都諸桐嶼。太史贈詩云。學道終朝銀闕去。都快比玉門還。念慈答曰。久來一事能逃否。聞到同心自愕然。

金陵劉春池名芳纖造府計吏也不戒於火將龍衣貢物俱付焚如賠累後既貧且老而詩興不衰如貧難好客如當日老覺逢人羨少年三間屋僅樞兒女一領裘還共祖孫從古詩惟天籟好萬般事讓少年為皆佳句也其憶半野園舊居云半野園堪遠隱淪出為屏障水為鄰林亭已入天然畫休息難終老去身喬木肯曾經我種好花今復為誰春傷心最是重來燕不見堂前舊主人吊香檜樹云自別園林兩二句忽枯此樹是何因伊如義不迎新主我獨悲同哭故人物與情通原有感不經歲久豈無神尚須留取根株在猶望仍回舊日春劉以欠帑入獄予向尹文端公誦其詩尹驚其才即命寬限一時傳為佳話其子曾字悔庵亦好吟詩不省家事人目為痴然得一二句便寫示余歲晏曰釐以低當煖表因啟轉輕見贈云新稿只呈蕭穎士長裾不謁鄭當時嗚呼胸襟如此何得目為痴哉

春池尚有佳句云道在已時惟自適事求人處總難憑衰齡轉作無家客多壽還須有福異地幾忘身是客禪門今已熟于家

春池當時有窮簷倚以生活後竟負之故咏落葉詩云積怨堆愁委地深西風哀草亂蟲吟此時狼籍無人問誰記窗前借綠陰雨中海棠云重臺看得明朝露紅雪猶餘未放枝我獨笑花花笑我今年俱是未逢時此雖微羅隱贈妓詩意而運用恰新

烏程凌雲字香坪少有吳門紀事詩極酒場花徑之樂晚年就館李參戎家鬱鬱不得志而卒膏

明感舊云金閨曾度五清明。選勝攜朋取次行。楊柳堤邊調細馬。杏花村裏聽嬌鶯。春風久負
青山約。舊雨難尋白鷺盟。今日胥江重艤棹。斜陽芳草不勝情。過分水龍王廟。云河東西注水注
洋。南北中分原兩行。從此空彈遊子淚。隨波流不到家鄉。他如雨積山多瀑。烟收樹滿村。魚跳
燭影雞鳴亂。聲音俱有風味。

表弟章履齋秀才名袁梓。性迂僻。有潔癖。好精神。吐納之術。自謂可長生。而卒不驗。睢陽客興云。
幾度飄蓬動客嗟。況逢遲日感韶華。隋前杖響誰看竹。月下烟飛自煮茶。遊騎踏殘零露草。坐
禽含過隔牆花。尋芳孺子知時節。也著新衣到酒家。對雪云。素光燦爛映檐楹。未許疎狂嘆獨清。
隔夜江山都改色。連朝猿鳥並無聲。風飄墮瓦寒水響。龍滅殘燈外戶明。畫帳香茵初睡起。舉頭
錯認是天晴。其他佳句云。有梅人坐靜。踏雪鶴行徐。風枝挑瓦墮。石笋引藤纏。宵折暗驚孤客夢。
寒雞時作故鄉聲。蜂能負子應知老。燕屢升堂若賀貧。花香夾路人歸緩。水影搖天月上遲。投杖
驚迷穿屋鼠。圍棋引進過門人。俱妙。

高文照字東井。少年韶秀。疑疑自立。父植。字德化。有賢聲。所得傳。盡為東井買書。年未二十。詩已
至首。目三世。於前輩中所心折者。隨園與心餘而已。舉中。牛鄉試後。卒于京師。詩稿不知流落何
處。見贈云。萬壑千峰羨一門。仙家住老百花村。重開朱戶樓臺出。未改青山面目存。執手各探新
得句。驚心難定舊離魂。憐才誰似先生切。替拭襟前積淚痕。雲獎何人得到斯。文章風義一身持。

眼無後起偏憐我。座有先生敢論詩。轉枕風看收枕候。在山泉話出山時。才名官職誰多少。未要區區世上知。此身豈肯受人憐。低首為公拜榻前。不朽文章傳郭泰。得聞絲竹許彭宣。玄筭書予申。申日鄧禹噉人寂。數年想到生平知。已報商量只有祖生鞭。其他佳句如過衢州云。水回雙碓落灘急。一篙爭壽山庵云。一磬隔花出。片楮當殿陰。送人云。且將一點思鄉淚。洒向君衣好寄歸。贈方子雲云。門外市聲三日雨。簾前風色一床書。過阮懷寧故宅云。鳥語尚疑偷法曲。波池無復照明珠。崑山徐柱臣字題客。健庵尚書之孫。余親家也。飲外舅張氏青山莊云。東風報花信。春色來南枝。輕權風漸細。到門香已知。綠野占勝迹。青山似昔時。登樓俯林杪。雪影何離離。舟中晚眺云。天垂餘靄橫。船在鏡中行。拍手沙禽起。迴頭明月生。向南寒氣減。入夜酒懷清。不有蘭陵釀。銜杯空復情。題客性耽詞曲。晚年落魄揚州。為洪氏司音樂以終惜哉。又有句云。看慣舊書多脫線。移來新樹少開花。徐緒字徵園。蘇州人。貌短小。為李宇情炯記室。終日以酒一壺。杜詩一卷自娛。此外不知有人間事。余題其小像云。吳市布衣大杜陵。詩骨尊。卒貧死。詩稿散失。余錄其兩阻胥江云。擊柝嚴城閉。相依再宿舟。一天惟是雨。六月竟如秋。漸覺江湖滿。能無稼穡憂。萍踪憐乏食。華髮早盈頭。移居云。剝啄衡門啟。時過話老農。却欣環泮水。不厭托萍踪。對酒東林樹。催詩南寺鐘。隔城山色好。日落見芙蓉。歸舟至盤溪云。漂泊仍長歎。歸來買釣艇。順流風勢緩。近岸雨聲多。小鳥衝烟起。低橋撥棹過。家人應識我。蓬底遠聞歌。盆菊云。東瓦為花盎。無須金屋藏。帶霜移牖下。就日列階旁。種

細開尤晚。名多記輒忘。到殘應匝月。不限舉壺觴。寒檐云。寒檐短景如風馳。迢迢長夜古人時。弱女刺繡補不足。一燈豆大燃殘脂。呼兒劇論千古事。老妻來晤明朝炊。掩耳疾走且相避。隔屋吾弟能吟詩。不圖轉落乃嫂笑。小郎亦有兒啼飢。西憐哭云。夜聞西憐哭。哭聲一何悲。云是母哭死。聲聲哭入老蒼。老夫亦有丈夫子。同日辭家分路死。死弗及見哭憑棺。三月到今淚未乾。傷心有口那能言。君不見鳥生九子。一飛上青林端。新竹云。林森碧玉已成行。雨長梢盡過牆微。露粉痕初解。疑君已帶九秋霜。

杭州仲蘊藥。字燭亭。與余同庚。康熙癸丑。兩人初學為詩。彼此吟成。便攜袖中。冒雨欣賞。後余官白下。而燭亭亦就養江南。常得把晤。歲辛卯。相見蘇州。怪其消瘦。不類平時。壯佼然。意致尚豪。猶令小妻出拜。尚無子。亡何計至。記其長至日。飲隨園。云。天空憐殺庫車。清樽小語過精廬。二千里客。冒中酒。半百外人無熟書。斷雁貼雲寒雨後。歸鴉擁樹晚晴初。今朝罨畫軒西醉。寬向差食一線餘。莫愁湖云。晴波嫩柳舊歌臺。眺愁心。畧小開。湖影淡拖山色去。春烟冷送夕陽來。遊絲不綰金跳脫。水調空沉阿濫堆。誰更風流問徐九。銷魂無那索茶盃。郊行云。雨霽郊圻笑語譁。裙腰碧過四娘家。遊思解渴問荒店。春尚慰人留病花。遠寺鐘隨遲日度。隔江山挾晚青斜。零星滿地榆錢好。賤買村醪敵歲華。他如月於低處作湖色。山漸暝時生水烟。皆瘦硬自喜。

余甲子分校南闈。題樂則韶舞。有一卷云。二人奏瑄。而八百歌風。愛其文有賦心。薦而未售。出榜。

後遇外監試商實意先生曰。我收卷一丈絕麗。問之乃吳梅村先生孫也。我告之曰。此文若遇袁太史必能賞識。因誦此二句。予告以果力薦矣。彼此大喜。論文有心心相印之奇。未幾吳到汴來謁。貌如美女。年才弱冠。蓋器重之。癸酉。余從秦中歸隨園。而吳已中經魁。來見則吐血失音。非復曩時玉貌。予心憂之。赴都會試。竟死場中。年二十七。其時同薦者有松江廩生陳蓮晴。亦奇才也。場後賦百韻詩來謁。惜未存其稿。先吳卒。吳在席上題盆中飛白竹云。渭水清風譜。流傳有別支。出藍誇逸品。飛白擅奇姿。名以中郎重。根從子敬移。森然一筆起。暖若八分披。捲葉輕千穀。抽枝弱比絲。映花風獨轉。拂草露俱垂。細細分龍節。輕輕洗玉肌。生來鳳尾貴。不相雀頭知。影落屏風小。香傳翡翠遲。恰添承旨石。同上伯英池。專室居何媿。登床賞自奇。地依蕭寺好。人在晚晴宜。擢彼東南秀。珍逾十二時。品題無與可。篤好有義之。北館承家學。南宮得畫師。綠窗歸窈窕。紅燭照參差。蘭墨傳新樣。魚箋寫折枝。好將端獻筆。追取順陵碑。吳諱維鶚。太倉人。佳句尚多。僅錄其吉光片羽者。不料其即赴玉樓也。陳生五策博引羣書。兩主試愕然。不知來應。余爾時年少氣盛。語侵主司。以故愈不得售。亦其命運使然耶。有哀雨生詩存集中。

常熟王陸禔字介祉。瘦長骨立。兩眸熒然。家貧母老。又遭馮敬通之厄。客死長沙。年三十二。其詩清麗。蘇臺紀事序云。僕本恨人。尤希好事。趁蘭膏之餘燄。述花月之新聞。則有參佐名流。宏農妙裔。王昌居處迹近金堂。韓壽來時。香通青堞。牆頭一笑。秋風客鑽穴相窺。枕畔五更。夜度娘鑿

坏而遁。不須青鳥。為約佳期。何必元駒。始諧歡愛。手提金縷。踰峯冒以聲布。懷落鈿釵。窗流蘇而影亂。輕攏屈戌。潛由顧愷之厨。反合倉琅。永陸梁清之洞。遂致空閨太索。徒勞阿母。閑門隣壁旁求。共訝彼姝。廣聞。倘屬無妻之牧。償或易牽絲。偏為有墳之羅敷。難收覆水。霧生三里。葉不翳蟬風挂一帆。花終戀蝶。可憐月姊。隨蟬魄以俱奔。詎耐水人。賦單牙而作訟。謀成秘計。大都鸚鵡之禪。下得官符。不是鴛鴦之牒。悵三生兮。永別未消圓澤之烟。縱九死以無辭。難賣茅山之藥。是則煉媧皇之石。莫補離天。彎后羿之弓。長仇怨日者矣。嗚呼。人生行樂難禁。贈芍遺楸。我輩鍾情。未免焚芝歎。魚觸哀絃。于舊軫。儂亦情狂。戒覆徹于前車。卿休放誕。不逢白傅。誰裁長恨之歌。為語雙文。我作會真之記。詩云。東風如夢春如畫。蔓草須扶。薇待架。黃雀飛飛。鏡檻邊。班驢得得。樓欄下。綠楊門巷。是兒家。青粉牆高。隔亂鴉。惜艷羞窺。留影鏡。耽閒懶逐。闌風車。柔懷脈脈。憐幽獨。少小紅絲。曾繫足。蕭史遲吹。引鳳簫。馬卿忽奏。求凰曲。尋常聲息。互知聞。促漏遙鐘。兩斷魂。側帽望殘窗竹影。抽釵畫遍。砌苔痕。蓬萊咫尺。休嗟遠。綵繚輕裾。便往返。曉把豪犀。故別梳。宵捫了鳥。還加鍵。懷中轉側。掌中擎。殷舊難描。媚姸形。蛤帳霞光。猶恍忽。蜃窗日彩。更晶熒。刻骨思同。膠漆洽。迷藏秘戲。貪嬉。連天夢雨。睂陽臺。平地風波。生楚峽。無端阿母。喚匆匆。捲幔披帷。室是空。鸚鵡攬翻脂盒粉。狸奴搔亂繡牀絨。侍兒尋覓。爭牽惹。瞥見微光。抽替閑。聞道斜通。鳥鼠山。顏垣近接。鴛鴦社。防閑始悔。未周遭。直待亡羊。與補牢。瓜字分明。慚碧玉。藕絲宛轉。怨金刀。多生久作。雙飛

侶豈忍禁持別離苦攜手潛登范蠡舟齊眉共寄梁鴻廬大桃已放出牆枝元稹從題決絕詞無奈鴿媒偏作惡不容佳婿永追隨訴牒空憇控花縣孤城免屈徵求遍里胥排日計郵籤亭長分程馳驛傳替戾岡旋訪弄堂哥憐屈體受銀鑄淋鈴雨泣紅顏婦貫索星臨白面郎鮑誓從今消舊寵刀環約在要離家馭金縱許贖文姬化玉何時見韓重君不見雪絮漫天颺作塵沾衣拂幌總前因柳枝逸去樊娘嫁我亦情場潦倒人留鬚云漸看鬢鬢復離離忍遣寒陰累刺師潘雲見來增老態飛胡學得憶兒嬌依稀草活抽芽日仿佛花殘露帶時猶是堪摩未堪玩免教人把彳回嗤屬體風懷夢裏春兼兼羞憶嚙妃唇好陪覓句拈髭客休對熏香雉向人青縷細含微見影紫珍纔展便傷神從渠長到星星日敢向中消戲效顰咏題名錄云倚棹向通津紅霞關市塵賣時慙啟齒處處暗傷神千佛明經錄三生慧業因未看先鄭重回視更逡巡幾輩曾盟笠伊誰是積薪名場驚絕迹號舍記比鄰藥鉞相依切風簷問訊頻獨憐义手客未遇點頭人何敢輕餘子徒教怨不辰窮通知有命俯仰總嫌身孫園舅牡丹歸云尋春閒訪野人家扶醉歸來日未斜買得扁舟小千葉半客人坐半客花如落梅云驛使再來休問信美人已嫁莫相思杏花云開當落日憐微倦嫁與東風恐不甘偶成云誤書因想得微倦覺眠佳

介社好作無題詩如衣上石華新唾迹帳中霞采舊生神登牆不惜三年望展畫誰甘百日呼人謂其輕薄則云畢竟問情累何德不言惟有息夫人

常州李檢討。子字圃。余甲子科所得士。為人淳古淡泊。一望而知為君子。年老乞歸。掌教
安州。過隨園。宿十日去。竟水訣矣。卒無士歸。雁云。清秋雁聲落屋檐。春旦急去程期嚴。此邦之人
非汝嫌。高飛冥冥去且僉。稻粱雖謀退亦怯。江湖暑濕難久淹。吁嗟物性尚避炎。春深三春深淹
久客。悶掩即山家。悶遣攤書坐吟。耽倚枝斜。晚風敲竹。微雨潤窗花。不覺蒼苔暗。深林已暮鴉。僻
處云。僻處無喧囂。閑中耐寂寞。一卷味可耽。雙屐懶不著。佳春將殘。東風捲羅幕。庭前碧桃花
遲開亦遲落。

丙辰在都。詩人大會。有常州諸君。師軾字學坡者。年最長。為坐中祭酒。後三十年會試。出余
明生李英名下。選作校官。監鍾山書院。久不來見。余與壯念農先往。大呼而入曰。太老師來。捉小
門生矣。彼此大笑。招飲隨園。見贈云。廿年名姓達安昌。應許彭宣到後堂。問字久辭松徑雪。傳
觴重喚竹林香。樓臺近水千層曲。草木連山一帶長。只恐徵書來北郭。未容老作白雲鄉。高築天
風百尺樓。憑欄懷古意悠悠。聲詩不隨開元後。法物還從宣政收。借箸風塵磨盾鼻。詩與某將軍書登山雲起
遂菴表。中林猿鶴無猜忌。繞樹銀燈蠟展遊。卒無子。詩多散失。

杭州潘涵字宇情。年六合。以循吏稱。兩子早卒。家竟絕嗣。其矣天道之難知也。僅錄其隨園小集
云。安住林亭遠放舟。境隨人轉水隨鷗。好山剛近長江口。老屋深藏大樹頭。叱馭原同招隱別。買
園先為種花愁。解還墨綬銅章貴。換得繁英與素秋。香名弱冠飲都城。壯志空山踽踽行。陶令獲

田償酒債。故美操績伴書聲。漁童歌好垂絲聽。長者車來拂袖迎。一片倉山梅影水。回頭還比玉堂清。西亭北榭闌闌干。閣引天風獵獵寒。舊約飛魚傳去香。新詩走馬借來看。風生咳吐追唐調。禮失威儀謝漢官。笑我熱中心未死。偷閒來弄釣魚竿。

同年許朝字光庭常熟人。詩似放翁。歿後家無繼起者。錄其佳句云。泉礙石流無意曲。草經霜隕不須芟。倚床愛就肱邊枕。攬鏡貪看背後山。得月便佳還值望。是山都好不須名。預思煮雪鑪先辦。不會裁花譜借抄。五言如病驛云。眠沙深有印。噉草嬾無聲。山村云。峯亂向人湧。泉分界石流。又舟隔隄撐半露篙。七字亦佳。

蘇州周鈺字其相。相遇于江南峯家。蒙一見傾心。每過蘇州必主其家。家道甚豐。而性嗇且傲。卒無子。以壻親故。墜水死。見贈云。零亂花飛又一年。思君時問北來舫。隨園清夜三更月。應照幽人獨自眠。空吟場藿白駒詩。往事傷心不可思。南國至今悲賈誼。為他偏值聖明時。詠落花。鸞從此日空啼樹。人到明朝嬾上樓。

張長民秉政。予表姪也。父灝官侍讀學士。長民十五舉京兆。三十夭。送余出都云。芙蓉雙闕致君身。誤逐飄風落九塵。丹穴有天翔鳳鳥。金龜何術穩麒麟。關前候吏覲青犢。江上行舟盪白蘋。此去未須憐左授。下方欲識謫仙人。

史梧岡進士名震林。湛深禪理。半世長齋。知余不喜佛。而愛與余談。以為頗得佛家奧旨。余亦

終不解也。記其觀荷云：露折朱霞裏旭開，淒涼心付蓼花情。銀河正晒天孫錦，風雨欺香禁早來。蕊綻華峯鬪錦年，序班宜在牡丹先。攜琴笑坐如船藕，去訪蓬萊海外天。悟國言修行無他慕，只求免入輪回少。認世間無數冷娘耳。

閩人劉南廬，名芳，貌若枯僧，以布衣雲遊。所到必棲深山古剎，受庵僧供養。問何不還鄉，笑而不答。晚年卒于通州之狼山，庵僧為墓于駱右丞墓側，置石碑焉。丁丑九月，宿隨園，見贈七律，僅記中二聯云：安仁尚有栽花興，孟博全無攬轡心。水影倒窗知月上，松風攪枕信秋深。焦山避暑云：丈洪濤一小舫，乘危避暑看僧寮。衣沾濕翠晴猶滴，酒渴拂涼雲午不消。壓檻有天連水閣，開門無路入鹿麋。濁醪我欲酬高隱，千古幽魂未可招。瓦官寺云：瓦官瓦破佛廬荒，三徑空懷舊講堂。曲徑雲深僧立重，閒門花落客鞋香。行經河畔聞簫鼓，坐近臺邊想鳳凰。弔古一樽沾未至，烟鐘風磬立斜陽。軍山夜坐云：星辰夜影窗間落，江海秋潮枕上生。

湯西崖少宰，幼有美人之稱，其幼子名學顯，戍寅見訪，長身玉立，想見少宰風儀。有慧山一首云：九峯鬱雲根，蜿蜒羅青嶺。黃緣入幽磴，長史舊草堂。古今法象空，寶幡馴鶴翔。葉落拂床塵，花放見佛光。癯僧不談禪，哦詩草木香。孤意與俱永，隨在如坐忘。颯洒林風生，寒空弄清樾。山禽隔葉鳴，好音聞不絕。訪碣別烟蘿，釵脚半磨滅。蝶老抱秋花，松疎漏涼月。際此孰倉毫，秀采芙蓉發。李嘯村最長絕句，人有薄其尖新者，不知溫子昇云：文章易作通峭難，為若嘯村者，不愧通峭矣。

其泰州舟次云烟汀月暈影微微辦得宵衣草上飛垂髮女兒知盪漿不辭風露送人歸夜泛紅橋云天高月小玉繩低酒碧燈紅夾雨隄一串歌喉風動水舟輕圓住畫橋西廢園云誰家亭院自成春窗有蕙苔案有塵偏是關心隣舍大隔牆猶吠折花人青溪云粉牆經掃落花塵一帶樓臺樹影昏雨細風斜簾未捲縱無人在亦消魂却人寫真云有影正嫌無處匿不才尚覺此身多此是嘯村最佳詩也歸愚別裁集選上已憶白門一首云楊柳晚風深卷酒桃花春水隔簾不遇湊好看字面最爲下來捨性靈而講風格者往往舍彼取此

白太傅云有唐衢者愛其詩亡何唐死有鄧訪者愛其詩亡何鄧死吾于金陵得二人焉一金光國一高步瀛詩筆超雋受業未及三年俱死金詩惟存祝壽數章高有未成稿二編晚春詩云百花开落草芊芊傑閣樓臺白石邊埋没春光全是雨初長天氣却如年客來未慣驚離燕人到無愁愛杜鵑裴几一燈三徑晚垂簾影裏是茶烟七絕云風刀瘦削綠楊絲一路芳菲落日時山曲不妨隨徑轉隔雲早見酒家旗靜裡消磨墨數升封書遠問作詩僧尋君曾到聞鐘後流水村橋照蟹燈佳句云不是近霜偏愛菊要需時日始看梅燈非報喜花爭結人慣離家夢轉無同人催上馬臨水廢觀魚名每輸王後嫌終避觸前皆有心精結撰不入平淺一流

紹興布衣俞楚江名潯久客京師金少司農輝薦與望山相公公稱其詩有新意卒無所遇賣藥虎邱而亡登九龍山遇雨云浮生徒碌碌冒雨渡寒津策馬山頭過雲橫不讓人偶成云安貧

求自寡。書劍漫相從。且築數椽屋。將為一老農。亭臺雲可貯。院小樹還容。居近開元寺。卧聽清夜鐘。戒飲原因病。村旗莫浪招。忙酬花事畢。閒養睡魔驕。霜色歸蓬鬢。秋聲上柳條。竹爐茶未熟。縷細烟飄。他如誰與吾來往。西山一片雲。柳倦欲眠風。勸舞鳥歌未。和雨催歸。俱有意趣。儀真諸生張曰恒。受知梁瑤峯學使。留詩一冊。屬尤貢父先容。將來見余。呼舟未行。以暴疾亡。年未三十。冊書山中早春云。不知芳信轉。但覺鳥聲鶯。檻聽溪水紆。行繞竹坡池。香生草細樹。暖着花多。雅意春風懷。還應倒白醅。青山守風云。野戍依沙岸。孤帆守客蓬。愛虛悵望。終夜戀荪蘆。江影時明滅。星光乍有無。曉風狂不定。神女弄波珠。江令宅云。南都多舊第。江令最知名。長板雙橋合。青溪一水迎。仙臺迴騎杳。高樹晚鳩鳴。悵望東城路。年年春草生。

杭州宋笠田明府。名樹穀。年無潮有賢聲。罷官再起。補陝西兩當縣。過隨園二宿。而別。聞為甘肅案。讀成重龍江年近七旬。恐今生未必再見。幸抄存其詩。立秋東顧孝廉云。前宵白雨昨清風。燥石炎威轉眼空。萬竅商聲先蟋蟀。一年落葉又梧桐。花開涼夜香偏久。吟入秋來句易工。為報湖頭二三子。好修遊屐理詩筒。獨步淨業湖云。風吹堤柳綠斜斜。淨業湖波亂似麻。京國清明初斷雪。故園二月已飛花。青帘易買三升酒。白乳空思七碗茶。日暮一行飛雁落。知渠曾否過吾家。山村小步云。如此春光不自持。寬鞋短策步來遲。得時花柳有矜色。入畫雲山無定姿。佳節放閒村學散。豐年預兆老農知。日斜碧水橋頭坐。何處錫簫向客吹。出京留別云。八年燕市聚

游踪酒席歌場處處同。一夕西風人去遠。便從天上望諸公。對月云。桂花庭院晚風輕。簾捲西窗看月生。只費一鉤懸樹杪。已教秋思滿江城。盆梅云。數枝也復影橫斜。惹得羈人鄉夢賒。拋却西溪千樹雪。瓦盆三尺看梅花。山塘閒步云。疎狂猶記少年時。幾處歌場鬪雪詩。今日舊遊零落盡。酒痕只有故衫知。似此風光絕可憐。相攜朋友踏春烟。怪他楊柳舒青眼。只向長街看少年。紅花埭題壁云。六年京國夢江城。此是江南第一程。為算還家多少事。昨宵枕上聽三更。林處士墓云。巖居尚恨雲常出。世事惟餘詩未刪。僧舍云。新花倚石儼相待。古佛候門如欲迎。近郊小飲云。風吹池水干何事。人映桃花憶此門。

空田詩甚多。予又年幼。慮其散失。故再錄其咏屋上草云。秋雨積我檐。秋草繁我屋。分行隨瓦溝。踞勝等山麓。得天雖有餘。實地苦不足。踐踏幸免加。滋蔓遂違欲。率爾占萬間。偶然餘一角。下止駭飛鳥。仰望饒奔犢。垂垂映垣衣。密密成翠幄。高先修疾風。柔能格響雷。慣被炊煙遮。不受樵採辱。鳴吻日以藏。龍鱗日以駭。省牽羅補苴。代索綯約束。寧肯事前除。留作百花梅。

孤甥陸建與香亭弟同受詩於余。而建早亡。余已梓楮君集行世矣。其弟炳年未及冠而夭。咏小滄浪云。十里橫塘路。紅搖明月春。鴛鴦相識否。前度採蓮人。春暮云。吟窗晝靜獨徘徊。綠上疎簾認翠苔。忽見飛花兩三片。迴風舞過小溪來。落花云。傷春無奈落花紅。夾在離騷一卷中。莖汝自憐非玉面。開書到底見春風。

湖州進士沈瀾字惟涓詩近皮陸人多輕之然典雅處不可磨滅寄懷杭葦浦云休向江潭悵獨醒青山偃蹇稱閒庭枕函自秘鄉壤記農社還修耒耜經小艇瓜皮來月泛清歌菱角隔簾聽朝衫拋却饒幽興好伴維摩著素屏步屐經過屢結跣同床各夢一悲呼謂與陽馬事蓬窗聽雨都元敬酒郡移官張藐姑琴作家貧空送別鶴分俸料耐償逋偶耕他日期相訪穩卧公牛號野夫丹徒朱竹樓懷人云何處飛來殘笛聲西窗月落鳥爭鳴誰言夏夜夜偏短萬里夢回天未明蘇州汪縉詩學七子遊宮墜云星滿天壇河瀉影月離海嶠樹生烟栖霞云雲埋大壑封秦樹雷劈陰崖見禹碑乙酉秋聞遺才不錄遽登舟歸余聞之急往見學使彭公芸楣公諫云某在此衡文三年得毋有人怨我乎答曰有彭駭然色變余笑曰公毋驚也詩人汪大紳公不許其入場何也彭更駭云此某所拔歲考案首也豈有遺才不取之理余云渠已買舟歸矣乃手書其名補付提調而遣人追之時已八月初七日矣傍晚汪到見謝詩云業已湛盧歸越國忽蒙追騎喚王孫考據家不可與論詩或言祭馬鬼詩曰石壕村裡夫妻別淚比長生殿上多當日貴妃不死于長生殿余笑曰白香山長恨歌峨嵋山下少人行明皇幸蜀何曾路過峨嵋耶其人語塞然太不知考據者亦不可與論詩余錢塘江懷古云勸王妙選三千弩不射江潮射汴河或言之曰宋室都汴不可射也余笑曰錢鏐射潮時宋太祖未知生否其時都汴者何人何不一考唐相陵展云士不飲酒已成半士余謂詩題潔用韻變便是半個詩人